

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
FEB 8 1941

T 3210/3530.717

寧志備攷卷八

人物類 八之一

當湖鈍叟趙維震輯

哈佛大學漢和
圖書館珍藏印

邑志載人物其目十有三曰鄉賢曰流寓曰隱逸
曰高尚曰忠烈曰孝子曰節婦曰義士曰良民曰
僊釋曰方伎曰閨秀曰人瑞外志載人物其目亦
十有三曰理學曰儒碩曰忠烈曰文苑曰才品曰
獨行曰寓賢曰隱逸曰孝友曰義槩曰方伎曰淑
媛曰僊釋余竊綜其槩而尚論之全節大才而與

局守自好者並稱曰賢恐高賢之削色也慷慨從容百鍊不折而與計無復之一往絕脰者並稱忠烈恐純忠之短氣也醇修粹詣屋漏盟心而與詩酒自豪形骸放浪者並稱隱逸恐通執之不同趣也叱馭批鱗彪炳中外而與幕僚閒局循默養恬者並稱才品恐纖鉅之不同量也造化在手千秋自鑒而與執藝成名顯門作活者並稱方伎恐道器之不同術也諸如此類未易殫舉即人具兼長不妨類分縷析而一人而前後複見彼此借光不

乃彰甯邑之乏才乎余不揣迂拙妄擬為七目曰名賢曰名臣曰名儒曰逸民曰獨行曰俠槩曰流寓曰方伎大要人各標其一生所得力而品格差次者附焉總令讀者每舉一人即盡得其人之本末而無復零碎駁雜之憾云爾

名賢

附後賢

六朝顧歡○歡字景怡自幼嗜學膏不繼則然松節或然糠以照讀或倚聽鄰人讀默而識之聞吳郡邵元之能傳五經往受業焉同郡顧顛之臨縣

見歡異之遣諸子與游年二十許更從豫章雷次
宗學家貧躬耕養母母亡水漿不入口者六七日
廬於墓側絕意仕進後開館於剡之天台山聚徒
嘗百許見郡誌○齊太祖踐祚迎歡歡自稱山谷臣
表曰道德綱也物勢目也湯武得勢師道則祚延
秦項忍道任勢則身僂願稽古百王斟酌時用則
率土之賜臣志盡幽深無與勞勢請辭帝賜麈尾
素琴見志加○歡蚤孤每讀詩至哀哀父母輒執書
慟哭同學者為之廢蓼莪篇蕭齊武帝之永明元

年以處士被徵命為太學博士辭不就召入見則
自稱山谷臣有文義三十卷行於世見南史○圖
經云歡吳郡鹽官人隱居不仕好黃老解陰陽書
為數術多奇驗以佛老二家教異互相非毀著夷
夏論辯將終自剋死日擇葬時既葬墓生連理縣
令江山表其事以聞

按外志列歡於隱逸謂其絕意仕進也余謂蕭
齊受命以篡弒得之士當其時無可仕之誼歡
之辭辟得出處之正焉亦其平日之講求於學

問者精非一意石隱為高者邦無道則卷而懷
之君子哉隱逸曷足以盡之

唐褚無量○無量字弘度杭州鹽官人幼受經于
沈子正曹福刻意墳典家濱臨平湖湖有龍出人
皆走觀無量讀書若不聞也長精三禮司馬史記
擢明經第累除國子博士遷司業兼脩文館學士
中宗南郊議以皇后行亞獻禮無量辟其非說甚
辯上不悅遂以母老解官玄宗為太子復拜國子
司業兼侍讀為撰翼善記以進太子釋奠國學令

講經進銀青光祿大夫及即位遷左散騎常侍兼
國子祭酒封舒國公母喪詔州刺史薛瑩弔祭賜
物加等既葬廬於墓左喪除召復故官以耆酒老隨
仗聽徐行又為設腰輦許乘入殿無量感知遇頻
上書言得失開元五年帝將幸東都而太廟忽壞
姚崇言廟本符堅時故殿材夙朽不宜罷行無量
鄙其言以為不足聽乃上言國家陰盛陽微則先
祖見變今后宮非御幸者宜悉出之舉俊良擢奢
靡輕賦慎刑納諫諍察諂諛繼絕世以應災異則

寧誌備攷 卷八
天人和會災異可弭帝卒是崇議駕遂東無量復
上言昔虞帝之狩秩山川徧群神願陛下所過名
山大川古帝王賢聖之在祀典者並詔致祭自古
受命之君必興滅繼絕願至東都收敘唐初迄今
功臣之絕世者帝納其言即詔無量祀堯於平陽
餘各分遣參獻又求武德以來勲臣苗裔詔續其
封已復用其言令校書於東都乾元殿東廂及西
還詔徙書於麗正殿讐校如故未卒業而無量卒
年七十五帝聞悼痛詔宰相曰無量朕師今其永

逝宜用優典於是贈禮部尚書謚曰文葬事官給
生平著述甚富沒後有得其史記至言二十篇以

獻者帝歎息久之為賜其家絹五百疋

右見唐書本傳其已

載外志者俱刪不入

許遠○遠杭州鹽官人天寶十四載冬安祿山反
於范陽明年僭大號朝廷始召前高要尉許遠為
睢陽太守兼防禦使是年七月肅宗改元遠時與
城父令姚閏同守睢陽而張巡守雍丘巡糧盡援
絕拔衆東守寧陵遂與遠相見于睢陽明年正月

尹子奇引兵十三萬趣睢陽遠告急于巡巡引兵三千入睢陽與遠合遠時位本在巡上及巡至即授之柄而處其下無所疑忌謂巡曰遠懦不習兵公智勇兼濟遠請為公守公請為遠戰自是戰鬪籌畫一出於巡而調軍糧脩戰具居中應接悉遠任之先是遠將李涵叛入賊大將秀榮潛與通或以告遠遠即告巡召登城斬以示賊子奇乃益徵兵攻圍益力先是遠于城中積糧至六萬石可支一年而虢王巨發其半給濮陽濟陰遠固爭不得

自是乏食士日賦米一合雜以茶紙木皮食之俟救絕無至者於是士卒消耗始合兵六千八百今僅存一千六百又皆饑病不堪鬪兩人乃並脩守具應機立辦久之士纔六百人矣兩人乃分城守巡守東北遠守西南日與士卒同食茶紙不復下城城勢日促巡使南霽雲突圍出請援於賀蘭進明進明不應閏八月賊知援絕圍益急有議棄城東走者巡遠謀以為睢陽江淮之保障若棄去賊乘勢長驅是無江淮也且我衆饑疲走必不達不

如堅守以待于是茶紙盡則食馬馬盡羅雀掘鼠
雀鼠又盡巡乃出愛妾殺之以食士遠亦殺僮奴
佐之然後括食城中婦人繼以男子之老弱者當
是時人皆知必死而莫肯叛也十月癸丑賊登城
將士病不能禦城遂陷巡遠俱被執巡遂與姚閻
等三十六人同遇害而子竒議生致一人於慶緒
所慶緒祿山子時祿山已被弒慶緒嗣乃送遠洛陽慶緒時遠遂與
哥舒翰程千里俱囚於客省未幾郭子儀大破賊
賊衆奔告慶緒慶緒以是月庚申夜北走使其將

嚴莊害之遠遂死則十月十六日云遠寬厚長者
貌如其心與巡同年生月日後於巡呼巡為兄死
時年四十九事聞天子下詔贈遠荊州大都督官
其子玖代宗大曆二年勅立廟睢陽號雙廟宋真
宗東封過其廟駐駕徘徊咨其雄挺盡節為金石
刻以旌其忠徽宗大觀二年詔建廟於鹽官縣西
半里合祀姚南雷為五公賜廟額協忠亦號雙廟
高宗紹興八年以邑人張九成令胡玘請詔賜上
公爵十三年令李份特致祭咸淳三年令吳由始

率同官暨邑庠諸生以十月己巳十六祀公於廟
蓋公盡節之日也其侑祭樂章祝文俱錄在遺文
○楊均考異云按舊傳遠杭州監官人世仕江左
曾祖高陽公敬宗龍朔中宰相遠初從軍河西為
磧西度支判官章仇兼瓊鎮劍南又辟為從事慕
其門欲以女妻之遠辭

兼瓊怒積他事中傷貶
高要尉後遇赦得還祿山之亂將相得不次拔或
薦遠於玄宗召見拜睢陽太守按敬宗乃善心之

子善心則亨之子茂懋曰之孫也本傳云魏鎮北

將軍許允九世孫善心隋散騎常侍傳在北史亨

陳衛尉卿茂梁中庶子由茂而上曰勇慧齊太子

家令曰珪宋著作郎曰詢晉徵士傳皆在南史此

與唐舊傳世仕江左之說合惟並著其鄉里曰高

陽新城人一曰北新城舊屬涿州皆河北道方南

北分裂仕於江左者其家安得復在河北知許氏

此時已為江左人矣善心以下雖仕於北而新唐

書以敬宗為杭州新城人遠為鹽官人仍曰其先

寧譜傳 卷八
自高陽南渡信哉又按古今姓氏辨證允三子殷
勤猛孫式式生皎皎生詢至茂為八世又云敬宗
生昂昂生彥伯彥伯生望望生遠於敬宗為高祖
與梁唐史世數稍差遠之死也新傳云遠至偃師
亦不屈死通鑑云庚申夜慶緒率其黨自苑門出
殺所獲唐將哥舒翰等三十餘人而去許遠死于
偃師舊傳云遠死客省新傳遠死偃師通鑑則合
新舊二傳而更詳之按舊史乃後唐明宗朝宰相
劉某監脩去張許時差近今從舊傳遠死時年四

十九新傳云遠與張巡同年生而巡長呼巡為兄
此與韓愈作張中丞傳後序之說不同按愈得之
張籍籍得之嵩嵩得之親見宜從韓愈又按是年
歲在丁酉逆而數之遠當以中宗景龍三年己酉
歲生

見海昌先賢錄

顏真卿○真卿字清臣秘書監師古五世從孫其
先籍襄陽之瑯琊祖昌字益官州判卒官父必寧
遂家焉真卿少孤母殷躬親訓督既長博學工文
開元十三年乙丑舉進士又擢制科調醴泉尉遷

監察御史使河隴辨五原冤獄遷殿中侍御史楊國忠惡之出為平原太守時安祿山陰謀逆真卿度必反密脩捍禦具甚備已祿山反河朔諸邑郡盡陷平原獨全事聞天子異之肅宗即位靈武真卿數以蠟丸表書陳事拜工部尚書兼御史大夫復為河北招討使時祿山乘虛急攻河北諸郡復陷獨平原博平清河固守然人心危不復振真卿謀於衆委命辱國非計乃徑詣行在為御史唐旻所糾貶饒州刺史乾元二年拜浙西節度使劉展將

反真卿預飭戰備都統李岷以為生事短之召為刑部侍郎展卒舉兵而岷走江西李輔國遷上皇於西內真卿率百官問起居輔國怒貶蓬州刺史代宗立以吏部侍郎召尋改尚書右丞帝還自陝真卿請先謁陵廟後即宮宰相元載以為迂因建言羣臣白事須先白宰相真卿抗疏詆其壅蔽且面詰曰朝廷事豈堪公再破壞載銜之出為朔方行營宣慰使仍留知省事封魯郡公會攝祀太廟言祭器不飭載以為誹謗貶峽州別駕改吉州司

馬遷刺史載誅以楊綰薦擢刑部尚書進吏部帝崩楊炎當國以直忤炎漸落職及盧杞相益不喜改太子太師謀出之會李希烈反汝州杞乃建議遣真卿往諭詔可舉朝失色李勉以為失一元老表固留不許至河南河南尹鄭叔則上希烈反狀勸勿行真卿不顧既見希烈宣詔旨希烈養子拔劍爭進將殺之真卿不為動已乃就館每與諸子書但戒嚴奉家廟恤諸孤無他語希烈遣李元平來說真卿叱曰爾受國委任不能致命恨我無兵戮

汝尚說我耶他日希烈大會召真卿使倡優斥侮朝廷真卿正色曰公人臣奈何若是拂衣出時朱滔王武俊田悅李納使者皆在坐謂希烈曰聞太師名德久矣公將建大號而太師至求宰相孰先太師者真卿叱曰若等聞顏常山否吾兄也吾年且八十官太師吾守吾節死而後已豈受若等脅諸賊失色希烈乃拘送真卿於蔡州真卿知必死為作遺表墓誌希烈僭稱帝乃遣人縊殺之年七十六曹王臯聞之泣下三軍皆慟因表其大節後

淮蔡平子顏碩護喪還帝為廢朝五日贈司徒謚
文忠真卿正色立朝剛而有禮天下不以姓名稱
而尊曰魯公如李正己田神功董秦侯希逸王玄
志皆真卿所薦拔也善正草書筆力適古為世傳
寶貞元六年官其子顏開成初復官其子碩錢氏
有國遣官立廟於邑治之南賜金額曰雙仁宋興
國間燬復建于安化始繪像子孫世襲衣巾奉祀
二公衣冠則合葬于縣治東十五里原吉鄉二十
都八圖扇面橋惕慶湖唐書全傳已載談子外志
茲特補其未備者

史評畧曰死事之臣何代無之即顏氏一門駢
首遇害者三十餘人然皆激於一時之義未有
凌頓挫折至久而不貳如公者公於虜營露刃
以前坎庭以待積薪以脅濱死者百而卒以從
容就義其所處更有難于杲卿者曾子固有言
唐世名臣忤時且起且仆至七八死而不悔者
惟公一人嗚呼其何以易斯言哉○郡人陳善
曰魯公始見惡於楊國忠繼見擯于李輔國遇
元載則貶遇楊炎則貶遇盧杞李希烈而死此

足以知公生平矣
或謂趙子曰許顏二公皆以忠死故邑志外志
皆載之忠烈而子獨賢之得無不倫乎余曰不
然魯論有言未知焉得仁未仁可得賢乎士固
有忠而未必仁未有賢而不忠者也試詳核二
公本末若許之位任在巡上也輒授之柄而甘處
其下了無疑忌顏所歷者國忠輔國炎載盧杞
諸奸非必遇希烈而始見節也非其平日於守
死善道之旨確有實證能若是乎余故特表之

名賢以別於一死塞責者○余按傳言公祖顏

昌任鹽官州判未及一年卒遺子必寧幼孤遂

寓籍鹽官生真卿此余得之守祠生顏某抄本

顧徧攷鹽官沿革改州在元之元貞初其在隋

唐間未嘗為州也昌何因為之判豈武德中鹽

官屬東武州誤東武州為鹽官州耶未詳

宋張九成○九成字子韶其先開封之祥符人親見

史本大父某嘗遊錢塘樂其湖山之勝因挈家徙

焉後遂占籍鹽官見郡志九成年十四貢入辟雍即

從老先生遊力學好古不專攻舉子業篤於孝友
內行純備時以皆以大器目之高廟中興將策士
顧謂宰相曰凡士之鯁亮切直者必端方可用自
崇寧來朝廷惡聞直言士氣不振朕此舉冀得直
臣宿弊不可不革因手詔考官其以直言者置上
第時九成對策萬言其畧曰前代中興之主大要
以剛德為尚去讒節慾遠防奸佞皆中興之本也
又云今閭巷之人皆知有父母妻子之樂陛下貴
為天子而冬不得溫夏不得靖昏無所定晨無所

省感時觸物悽惋於心可不思所以還二帝之轍

乎又云閹寺聞名國之不祥今此曹名字往往有

聞臣之所大懼也當使之安掃除之役凡結交往

來者有禁干預政事者必誅云全篇大致多類

此策上上親擢第一授鎮東簽判吏不能欺軍民

有冒齷禁者提刑張宗臣欲逮捕數十人九成爭

之宗臣曰此事左相封來九成曰主上屢下恤刑

之詔公不仰體德意而觀望宰相耶宗臣怒九成

即投劾歸從學者日衆出其門者皆為聞人趙鼎

寧詩傳 卷八
薦於朝遂以太常博士召既至遷著作郎上言我
宋家法仁而已矣仁之發見尤在于刑陛下以省
刑為急而理官不以恤刑為念請詔理官活幾人
者與減磨勘從之除浙東提刑力辭與祠歸未幾
召除宗正卿權禮部侍郎兼侍講兼權刑部侍郎
金人議和九成謂趙鼎曰金實厭兵而張虛聲以
撼中國莫若以十事要之彼能從我則與和當使
權在朝廷鼎既罷秦檜誘之曰且成檜此事對曰
九成何敢異議特不可輕易苟安耳檜曰立朝須

優游委曲九成曰未有枉己而能直人者他日上
問以和議九成曰虜情多詐不可不察因在經筵
言西漢灾異事檜深惡之謫守邵州中丞何鑄言
其傾附趙鼎落職丁父憂既免喪秦檜取旨上曰
自古朋黨皆畏人主知此人獨無所畏可與宮觀
先是徑山僧宗杲善談禪理九成時與游檜慮其
議己令司諫詹大方論其與宗杲謗訕朝政謫居
南安軍在南安十四年每執書就明倚立庭磚歲
久雙趺隱然廣帥致羸金却不受檜死起知温州

戶部遣吏督軍糧九成移書為民請命戶部持之
九成即乞祠歸紹興己卯卒于家九成研思經學
多有訓解理宗踐祚以為有中興明道之功賜謚
文忠學者稱無垢先生或稱橫浦先生按成化
志云橫浦學本龜山得濂洛不傳之旨真足以
立懦廉頑至倡明心學續千載不傳之緒功何
偉也然一傳而為金谿之學或者謂其先力行
而後致知與紫陽稍異夫先哲芳軌殊塗同歸
豈後學所宜輕議哉陳善曰一時名儒若楊璿

李元綱施德操趙汝談皆能講明性學然難以
概子韶也中興明道孰有如先生者
按外志特別先生于理學尊先生也余謂理學
二字近世有因之賈禍者亦有借以藏奸者以
先生之才之養立三不朽彪炳如日何施不可
而必以二字重乎聖門四科總命曰賢其勿以
尊先生者溷先生也

附後賢

龔瑾元末海甯人曾任知州死元節葬安國寺後

寧諸傳
其死節事無可攷獨其題蒼雪軒詩云月浸蒼龍
骨雲分翡翠釵九疑愁正斷清夢到書齋讀其言
可想見其人也志云平生秉義慷慨嗜吟稿佚不
傳蓋士之有學術而尚氣節者

呂忠字守誠世襲海甯所副千戶忠性慷慨任事
正德八年江西姚源盜王浩八作亂流劫浙東檄
忠勦之忠奉檄即與母妻訣吾不復能顧家矣行
至開化守華埠賊衆突至部卒勸且退避其鋒忠
怒提刀砮其背曰朝廷養兵百年報効正在今日

若見賊而退安所用之遂直前搏賊殺賊殺十人
孤軍援絕竟為賊攢刺墜馬死事聞陞其子官一
級

姜楫海甯所世襲百戶嘉靖三十二年奉檄征倭
戰死海鹽城外事聞進其子副千戶

或謂趙子曰龔呂姜三人之死未必能與顏許
爭烈而子亦賢之殺身成仁固若是易乎余曰
似也不猶愈於求生害仁者乎岳武穆有言文
官不愛錢武官不惜死天下太平矣彼死之不

寧壽傳 卷八
惜而何錢之愛即附之顏許諸賢後可也
名臣 附良臣八之二

王沆字元廣建炎四年高宗駐驛臨安以沆大父稟死節太原由青州銅川召詣行在襲封安化郡王賜第鹽官名其里為安化坊配張氏即無垢先生女弟封安國夫人子恕登隆興元年進士沆居王位恂恂醇謹絕苞苴佞倖屏聲色竒玩不御日延集儒生研討墳典比入覲即策蹇行惟一二蒼頭自隨不以郵給煩縣官費裳為不敝甚不易所

得賜賚甚渥悉貯以給軍需時丁播遷矢志恢復嘗因召見問政事對曰民惟邦本治民須寬寬則民悅而本固兵乃征伐具治兵須嚴嚴則兵肅有備無患中興之要不出此 吳夢非記 圖經云沆祖

祖王稟當靖康之厄以孤軍守太原虜九攻而九拒之自春初迨秋杪援兵莫至矢盡糧絕虜招之卒不屈城且陷與其子荀入告原廟抱太宗皇帝御容抗詞罵賊父子同赴火死 按圖經言稟之死甚烈而今其子孫刻先錄乃云投汾水死未知

孰是圖經又云沆家鹽官高宗有旨沆家屬所居處州縣長吏如意存卹以為捍禦死節者勸其後遂有登儒科者今邑志俱不備

余按邑志列沆于流寓謂沆非生鹽官也夫自建炎迄今垂五百年王氏子姓蕃衍彬彬膠序者不乏則沆實鹽官王氏開家之始祖安得別之流寓乎

郭知運字次張刻意墳典弱冠登進士第時相強姻不就歷官荆門守以倦遊乞歸自號息庵老人

著集四十卷名曰猥稿其題雙廟及光華亭詩錄遺詠類一曰知運所居在雙廟西與令魏伯珣同時○余按諸志皆言知運弱冠登進士甲科郡志既載其事又註云右公之子大壯所記然攷圖經進士題名竟無知運名不知何故

許懋字國器生長元季值歲饑發家儲賑貸復以萬戶長督海運抵大都授杭州路治中不就紅巾盜起懋倡子弟義勇力戰却之事聞復授以前職終辭不授入明高皇帝下詔求賢懋被薦以賢

良起家授海州同知在官六載著循績焉○按懋
之宦達似不甚顯顧其誼不仕元辭爵至再而
獨慨然委質于真主彼出處大節有確乎不可
奪者此與郭知運之時相強姻不就其過人皆
在品識夫名臣豈以名位崇卑軒輊哉
李貞字大亨洪武中補邑諸生建文初揣知國必
有內難為赴京條上用兵方畧上義之賜宴光祿
授監察御史靖難兵起歸隱臨平山永樂初謫佃
王田宣宗立召為揚州守特與勅旌其直服官三

載章累百上民被其澤已乞歸謝繳勅諭上曰知

府例無勅獨與爾其以示爾子孫蓋異數云

孫子良字

缺

其先本錢塘人祖子華移家海寧

遂為海寧人洪武中貢入太學登永樂甲申進士
選庶吉士與脩永樂大典書成晉武選郎中上北
狩以尚書方賓從命子良攝部事時兵政繁劇子
良悉敏辦本以曹郎領部乃鈐制屬吏侃侃持正
同列滋不平尋中讒謫交趾布政司吏目交俗故
獷悍子良教之學涵濡既久遂有成者洪熙初擢

交趾參議尋轉山東督理河道上章乞休卒年七十八所著有螺城集四卷

沈升字志行登永樂甲申進士選庶吉士與脩五經四書性理大全等書授刑部主事累官太僕少卿嘗參贊薊州軍務會太監劉通不法抗章發其狀上特賜金幣旌其敢言尤喜獎拔善類凡同年同官有文武才能者悉疏薦之後皆不負所舉人多其掄鑿已卒官遣禮部主事林璧諭祭葬橫塘姚哲字文明正統中進士官監察御史出按湖湘

藩臣之不職者彈治不少貸廷議躋之時稱名御史然卒以直取忌左遷按察副使

孫暉字景章即子良子景泰中以賢良方正薦授泰和丞邑多豪右暉能以強項聞嘗親定徭役人指為鐵榜言不可易也韓襄毅征大藤峽暉時為博白令以習兵從行間多著勞績超守潯州為改立郡學作興士類郡僻在西鄙暉宣布威德民夷懷畏邊陲宴然擢山東右參政致仕卒

祝萃字惟貞成化甲辰進士授刑部主事改工部

治水吳中著績立朝敢言嘗上疏請親禮儒臣以
資啓沃不報再疏又不報遂乞歸養正德壬申起
督學陝西尋晉廣東參政輒解官歸性至孝侍親
能以色養尤博綜羣籍一切象緯星曆山經地志
醫卜諸書無所不研討當其里居也聚徒講學一
時人士陶鑄頗多所著有禮經私錄古文集成宋
元史詳節等書行於世

查約字厚博弘治壬戌進士初仕南比部歷福建
參議所至問民疾苦悉力拊循屬歲旱大疫約躬

勤禳禱清狂狷釋無辜天乃大雨疫良已會延平
邵武福州軍相繼煽亂約皆單車申諭士伍咸戢
擢山東臬憲以憂去補江西持廉東公進福建叅
政尋晉左伯亡何侯官獄反群吏皆散走約以前
三郡亂兵皆身為諭解威德素著乃銳身出冀賊
可化誨而賊竟狃突前出不意猝遇害方約之參
閩也以舊有德於閩閩人咸悅其來故一切便宜
事悉為振舉脩緝學舍躋馬端肅劉忠宣于祀典
又專祠祀羅文節章文懿以風士節朝議正將大

寧譜傳卷八
用之而難忽作閩人痛惜為立祠祀焉所著有閩齋集

許相卿字台仲正德丁丑進士擢兵科給事中清介絕俗侃直不避權貴世宗初大璫張銳張忠坐不法擬辟內降當以贖金李賢以璫張欽義子票錦衣世襲直臣林俊被誣相卿皆連章抗疏力諍其非至訾上為氣驕志怠當是時許給諫直聲震天下未幾致政歸築室紫雲山中息機匿影時乘黃犢與田畯野老鷄黍相酌泊如也縣官高其誼

為監坊辭不獲則五鼓伺門入向邑治再拜而出及令卧起追則去遠矣夏少師言勸之出絕不答少師貽之詩有九杞山人不出山更無一字落人間之句嘉靖己亥召補禮科堅不起卒時自誌其墓清風勁節老而彌壯云所著有革朝志雲邨集若干卷又貽謀四則並行于世邑之志比無垢先生

查秉彝字性甫嘉靖戊戌進士司禮黃州擢禮科給事中楚世子弑父有司未能正法秉彝為覈其

其報計日月之訛獄遂定轉戶科左給事會大察
疏請斥酷吏禁贖緩及緩征捐賦等事忤旨廷杖
幾濱死謫雲南定遠尉尋起司理建寧遷刑部主
事改吏部歷選郎盡取諸條例去其疎舛裁為畫
一吏不得乘之為奸歷太常大理卒官大京兆其
廷杖事有紀夢詩讀者多其勞而不怨得人臣之
體云

馮覲字晉叔嘉靖甲辰進士授兵部職方郎庚戌
之變覲守西直門當虜之衝意氣詳雅撫軍詰奸

威令整肅虜解去上嘉其功賜金幣尋轉武選以
艱去服除補舊銜陞楚臬憲歷左參東粵分部嶺
南行部樂昌猝遇徭賊橫掠扈從者皆走覲獨冠
蓋端坐責以大義賊乃輿之入巢求犒覲正色謂
曰若不知馮參政耶飲水任職安得犒賊乃復輿
覲出駐韶州顧賊虛實覲於入巢時已窺其要領
尋集勁卒千人出不意間道襲之遂獲其大酋更
俘其黨百餘以出事聞擢按察使卒于官覲好藏
書嘗欲卜隙地于湖上讀書吟嘯以適其志而未

及竟所著有存稿八卷

郭子直字舜舉隆慶辛未進士初任禮部主事以
裁冗費忤中貴謫懷仁尉能拔馮太史琢吾子諸
生中累遷嶺南督學使者甄拔皆名士已攝篆南
韶虔寇王子龍餘黨嘯聚朝議用兵公力主撫全
活以萬計功上受欽賞再遷閩憲副時同安奸民
妄稱日本移文將入寇民情洶洶公畫戰守示鎮
定民藉以安未幾以病乞罷兩臺留之不得里居
二十年屏跡公府獨嗜書苦吟有三游二京中林

諸集行世卒年七十九高風峻節人以比許杞山
云子直以丙午第一名入學_中庚午鄉試今其孫濬
亦以丙午第_年第一名入學中庚午鄉試數之巧
合如此

許聞造字長孺舉萬曆丙子鄉試席帽而見令君
令戲之曰帽價幾何曰亡價令君悚然久之司李
河間聲甚籍以艱去後補東昌治如河間擢監察
御史時平酋蹂踐朝鮮東援未捷聞造憤發抗章
謫石大司馬條上兵餉七事又兩上書政府責以

大義見者咋舌出按甘肅以礦使橫再疏極諫已
疏劾張侍郎養蒙忤旨謫判岢嵐入見魏中丞允
貞允貞語謂之造厲聲曰吾擊君側小人不勝至
此固宜公之摧辱之也尋拂袖歸一日無疾而卒
所著詩文奏疏家乘地理纂要蠶譜等書凡若干
卷

查允元字

缺

癸未捷南宮丙戌廷對時年尚少

敬歷兵禮二部有聲郎署間值關酋為難屬國大
司馬主封貢議公抗言其非東朝未定又力言當

蚤建人服其識循資僉憲江右督學政豫章故理
學淵藪公以公嚴帥之出其門者皆為聞人轉廣
西副使艱歸已復起參藩江右尋致政日與清泉
白石為侶而好行德其大者捐腴田四百畝有奇
以贍族建宗祠以惇一本學者稱虞臯先生
附良臣

史徽字洵美益官人宋崇甯五年進士嘗以戶部
郎出判西京轉運時徽宗下詔罪己罷西城所督
逋賦徽遂取逋籍悉焚之尋致政高宗即位復起

司農少卿建炎三年扈駕至京口與黃鶚同遇害
贈右文殿脩撰子三人龜年均年岑年

按邑志言徽盡節而亡列之忠烈非也播遷之
禍實奸相黃潛善致之駕至江干衆憤激甘心
潛善倉卒間誤認黃鶚為潛善群殺鶚徽時與
鶚俱死亂軍中是時乘輿無恙無節可盡獨其
焚逋籍一事有良牧之風云

徐寬字栗夫成化辛丑進士歷工部禮部主政能
以清節自砥年未四十即挂冠歸家居孝友惇睦

好行德於鄉里其發家粟賑饑又嫁鄰女之貧者
頗傳誦焉所著有醉陶集子海登進士邑父子登
第自寬始祀鄉賢

陳珉字

缺

起家明經仕河南藩幕理問位卑祿

薄而屹以廉自砥時有一甲科令以墨敗臺使者
檄公訊之公歎惜曲為解而旁輒有居功者陰食
報于令公絕不知也久之得其實遂抗章自劾以
歸絕其人終身不與見其嚴介如此祀鄉賢 按
邑誌有戒子以貪語余心疑之叩其裔孫兆勳

兆勳為言狀甚晰所謂其人蓋毛裏戚云

許元奎字文華家貧攻苦力學大母督之尤峻曰不第不汝娶也久之登弘治壬戌進士時年壯矣始得娶權關荊州自課額外絕無沾染荆人廉之祀鄉賢

毛鵬字

缺

起家明經歷官袁州別駕清苦自勵

一如諸生時其端醇之品始終一節允有先民之範祀鄉賢

唐琳字

缺

諸生時攻苦力學已薦明經官訓導

持身端肅孝友無間嘗道拾遺金而不私士論多之祀鄉賢

祝繼英字思堯起家孝廉任繁昌令不以家累自隨惟攜二三蒼頭蕭然邸舍一切服食皆于家取給絕不以煩民也秩滿調石城輒掛冠歸性嗜飲日舉亡算然未嘗病醒

陸州字汝行嘉靖甲辰進士起家南昌教授歷守常德累官臬憲治兵九江所至俱有循績而其於常德也築石堤捍水置循環二簿以徵賦民尤便

之語詳談子外志

徐炳字仲孚性穎敏自童子試迄得雋未嘗有廢牘第嘉靖癸丑進士先是庚戌捷南宮矣以少時父命出嗣伯氏而近例仕籍不得書本生父遂罷廷對歸此其至性有過人者始仕曹郎累臬憲備兵大名卒官山西參政宦績于大名尤著魏人深德之詳談子外志

查志文字鳴周中隆慶丁卯鄉試官廬州別駕以河工成遷秩知無為州尋加同知銜仍治州事其

以便宜督河工以去就爭苛稅政皆足術語詳外志

徐紹曾字

缺

諸生時以春秋家言聲籍士林第

萬曆乙未進士歷山西臬憲性簡率不問家人產居官廉約迄于宦成田舍纖芥無所益

朱與翹字

缺

萬曆壬辰進士起家江陰令調長

葛歷部曹出守南昌其治一務簡靜吏民安之卒官廣西臬憲與人交溫然和煦人稱長者



